

# Cyngor yn addo cymorth

Mae Cyngor Sir Penfro'n falch bod cyrff llywodraethol Ysgol Dewi Sant ac Ysgol WR Tasker Milward yn Hwlfordd wedi cyfarfod ac wedi cytuno mewn egwyddor i Ysgol Dewi Sant adleoli i safle Tasker Milward am flwyddyn academiaidd 2017 - 2018.

Mae'r Cyngor yn derbyn y penderfyniadau anodd sy'n wynebu'r ddau gorff llywodraethol ac mae'n ailadrodd mai mesur dros dro yw'r cynnig hwn i alluogi gwaith ailadeiladu sylweddol ar gampws Ysgol Dewi Sant.

Mae hwn yn rhan o Raglen Ysgolion yr 21<sup>ain</sup> Ganrif sy'n cael ei ariannu ar y cyd rhwng y Cyngor, Esgobaeth Tyddewi a Llywodraeth Cymru.

Mae'r Cyngor yn dal i ymrwymo i gynnal y ddwy ysgol wrth ddatblygu'r cynnig ymhellach er mwyn hwyluso adleoli Ysgol Dewi Sant dros dro i Hwlfordd a hefyd i symud ymlaen gyda'r gwaith adeiladu ar y campws yn Nhyddewi.

Mae'r Cyngor hefyd yn ymrwymo i sicrhau bod canolbwynt y ddwy ysgol yn aros ar sicrhau gwella ysgolion a ffyniant disgyblion.